

醫燈續焰卷十

錢塘後學潘 楫碩甫註

同邑社盟王佑賢聖翼評

門人

魯應遶兆青

校

蕭明俊公溥

痿病脉證第六十七

痿病肺虛。脉多微緩。或濇或緊。或細或濡。

痿者。委也。足痿不用有委靡不振之義。故字從委。

其證五藏俱能成。而此獨歸之肺者。本素問也。素問痿論。岐伯曰。肺熱焦。則皮毛虛弱急薄。著則生痿躄。又曰。肺者。藏之長也。爲心之蓋也。有所失忘。所求不得。則發肺鳴。鳴則肺熱葉焦。五藏因肺熱葉焦。發爲痿躄。觀岐伯所言。則知五藏之痿。必自肺始。內則先葉焦。而外則先皮毛虛弱急薄也。蓋肺居心上。爲最高。外合皮毛。爲最表。故云藏之長。心之蓋。主一身之氣。而司呼吸。朝百脉而行榮衛。

義理圖融解
病機處暑無
痕跡

故○平○人○氣○象○論○曰○藏○真○高○于○肺○以○行○榮○衛○陰○陽○也○
其○令○收○降○其○化○清○肅○設○有○失○忒○求○謀○不○得○則○肺○氣○
鬱○鬱○則○收○者○愈○收○氣○遏○爲○火○而○熱○生○焉○熱○則○清○肅○
之○化○不○行○炎○蒸○之○邪○自○迫○斯○時○也○氣○不○寧○靜○則○喘○
鳴○藏○不○濡○潤○則○焦○萎○然○不○獨○一○肺○止○也○蒸○熏○榮○衛○
耗○竭○藏○陰○嗣○是○五○藏○之○合○如○筋○脉○肉○骨○之○屬○亦○皆○
不○得○其○榮○潤○而○諸○痿○之○證○作○矣○故○岐○伯○又○曰○心○氣○
熱○則○下○脉○厥○而○上○上○則○下○脉○虛○虛○則○生○脉○痿○樞○折○

挈。脛縱而不任地也。

宜丹溪虎潛丸補陰丸之類

肝氣熱。則膽

泄口苦。筋膜乾。筋膜乾。則筋急而攣。發為筋痿。

宜四

物湯三因加減四斤丸之類

脾氣熱。則胃乾而渴。肌肉不仁。發

為肉痿。

宜東垣神効黃耆湯錢氏瀉黃散之類

腎氣熱。則腰脊不舉。

骨枯而髓減。發為骨痿。

宜丹溪虎潛丸三因加減四斤丸之類

此皆

言肺熱葉焦。皮毛急薄。熱留着不去。災及四藏而

發為諸痿也。若四藏不虛。無隙可乘。則熱亦不能

據襲。故下文岐伯復曰。悲哀太甚。則胞絡絕。胞絡

絕。則陽氣內動。發則心下崩。數溲血也。故本論曰。

大經空虛。發爲肌痺。傳爲脉痿。

宜仲景炙甘草湯黑地黃丸之類

此言悲哀太甚。致心系急而胞絡絕。評熱論曰。胞脉者。屬心而絡于胞中。絕則不能上交于心。亢陽內迫。內迫則血溢下崩。隨溲而出。崩則大經空虛。無以榮灌脉絡。故先爲肌痺而漸傳爲脉痿也。又曰。思想無窮。所願不得。意淫于外。入房太甚。宗筋弛縱。發爲筋痿。及爲白淫。故下經曰。筋痿者。生于

肝使內也。

宜知槃八味丸四物湯加味逍遙散之類

此言外想邪淫而

不遂。及甚于入房。一則肝火抑鬱。一則陰精耗亡。

皆前陰所關。前陰者。宗筋也。宗筋無陰以養。而反

爲火迫。故弛縱痿弱。及淫念動。而白物隨下。故筋

痿者。生于肝使內也。又曰。有漸于濕。以水爲事。若

有所畱。居處相濕。肌肉濡漬。痺而不仁。發爲肉痿。

故下經曰。肉痿者。得于濕地也。

宜胃苓湯仲景防己黃耆湯東垣參

術湯之類此言從事于水濕之處。居處皆濕。漸受其邪。

畱著而濡漬肌肉之間。久則肌肉不仁。發為肉痿。

故肉痿者。得之濕地也。又曰。有所遠行勞倦。逢大

熱而渴。渴則陽氣內伐。內伐則熱舍于腎。腎者。水

藏也。今水不勝火。則骨枯而髓虛。故足不任身。發

為骨痿。故下經曰。骨痿者。生于大熱也。宜知藥八味丸六味

丸補陰丸之類此言遠行勞倦。逢熱而渴。渴則內熱殊甚。

內熱甚。則乘其虛者而迫之。遠行勞倦。則腎氣適

虛。經脈別論云持重遠行汗出于腎腎虛明矣腎虛。則受其熱而不能

勝。漸至髓減骨枯。以致足不任身。發爲骨痿。故骨痿者。生于大熱也。又曰。陽明者。五藏六府之海。主潤宗筋。宗筋主束骨而利機關也。衝脉者。經脉之海也。主滲灌谿谷。與陽明合于宗筋。陰陽總宗筋

之會。會于氣街。而陽明爲之長。皆屬于帶脉而絡

于督脉。

腰脊不舉似兼督脉證

故陽明虛。則宗筋縱。帶脉不

引。

前白淫似帶脉不引證

故足痿不用也。又曰。各補其榮而

通其俞。調其虛實。和其逆順。筋脉骨肉。各以其時

受月。則病已矣。前岐伯論痿之感受傳變。可謂盡矣。而終復歸之陽明者。何哉。蓋陽明爲水穀之海。衝爲血海。此不言水穀而言五藏六府之海。不言血而言經脉之海。見藏府經脉。無非二者爲之源。一潤宗筋。爲陽。一灌谿谷。爲陰。總宗筋而會于氣街。推陽明爲之長者。氣街乃陽明正脉。亦有尊水穀之義。督脉直行。帶脉橫圍。陽明衝脉。皆屬帶而絡督。陽明虛。則不能榮養宗筋。而帶脉亦無力收。

引。故足痿不用也。是知束骨利機關者。必藉乎宗筋。而宗筋又藉陽明之榮潤。故治痿者。獨取陽明也。然必兼視各藏之榮俞。宜補宜通。受病之時。月或衰或盛。而後逆順可和。虛實可調。病良已矣。此岐伯答帝治痿之針法也。其脉多微緩。或濇或緊。或細或濡者。以微應皮毛。緩應肌肉。濇應血脉。緊應筋。膜。細濡應骨髓耳。

附方

虎潛丸

見第五十一

補陰丸

黃蘗

知母

俱鹽酒拌炒

熟地黃

敗龜板

酥炙各四兩

白芍藥

煨

陳皮

牛膝

酒浸各二兩

虎脰骨

酥炙

瑣陽

酒浸酥炙

當歸

酒洗各一兩半

冬月加乾薑

五錢半

右爲末。酒煮羯羊肉爲丸。鹽湯下。

四物湯

見第二十一

古賢曰腎肝
兩虛用緩中
益精之劑固
宜矣然熱淫
於內何以用
鹿茸五味要
知虛熱與邪
熱自是不同

三因加減四斤丸 治腎肝虛熱淫于內致筋骨

痿弱不自勝持起居須人足不任地驚恐戰掉
潮熱時作飲食無味不生力氣諸虛不足。

肉苁蓉

酒浸

牛膝

酒浸

天麻

木瓜

乾

鹿茸

燎去毛切酥炙

五味子

酒浸

熟地黄

兔絲子

酒浸另研各等分

右爲細末。煉蜜丸如桐子大。每服五十丸。空心

溫酒米飲任下。一方不用五味子。有杜仲。

東垣神効黃耆湯

黃耆

錢二

人參

去蘆

白芍藥

此賢曰陽虛
脾寬而眼
去芍藥恐
益陰也

炙甘草

各一錢

蔓荊子

剉二分

陳皮

去白五分

水一盞八分煎一盞去滓臨卧稍熱服如小便

淋澁加澤瀉五分如有大便熱證加黃檗酒炒

四次三分麻木不仁雖有熱不用黃檗再加黃

耆一錢如眼縮小去芍藥忌酒醋濕麵大料物

葱韭蒜及淡滲生冷硬物麻木重甚者加芍藥

木通各一錢。

錢氏瀉黃散

見第四十九

仲景炙甘草湯

見第三十三

黑地黄丸

見第五十一

知藥八味丸

見第五十四

加味逍遙散

見第五十一

胃苓湯

見第十七

仲景芍已黃耆湯

防已

一兩

甘艸

半兩炒

白朮

七錢半

黃耆

去蘆一兩一分

右剉。每抄五錢七。生薑四片。大棗一枚。水盞半。煎八分。去滓溫服。良久再服。喘者加麻黃半兩。胃中不和。加芍藥三分。氣上衝者。加桂枝三分。下有陳寒者。加細辛三分。服後當如重行皮中。從腰下如水。後坐被上。又以一被繞腰以下溫。令微汗差。

東垣參朮湯 治氣虛顫掉

人參

白朮

黃耆 各二錢

白茯苓

炙甘草

陳皮 各一錢

甚者加附子

童便製一錢

水二鍾煎八分食前服。

六味丸

見第十六

痺病脉證第六十八

風寒濕氣合而爲痺。浮濇而緊。三脉乃備。